

欽定剿平粵匪方略

欽定勦平粵匪方略卷四百七 乙丑年

閏五月初一日 甲子 曾國藩奏言查已故兩江總

督陸建瀛於咸豐三年退守江甯城陷後被賊
殺害經伊家人和祥照料棺殮瘞於水月菴側
菜圃中現在該故督之子陸式穀帶同和祥前
來江甯臣復派道員陳慶長等眼同啟視遺骸
猶存該故督實係當時在城殉難克全大節臺

無疑義奏入報

聞

曾國藩又奏言湖南東征一局係於本省釐金外加抽半釐每貨至卡如本省抽一兩者另抽東征局五錢本省抽百文者另抽東征局五十文爲各省所未有自設局至今已滿五年商民不無疲累臣危困時所重有賴者在此而數年

來所最欵心者亦在此臣現將移師山東斷不敢再留東征局名目以重因商民理合奏明一面札飭局員李明墀等將東征局卡概行停止一面函商撫臣李瀚章於向抽東征貨釐之中酌擇貨物數種仍留釐金數成增寫本省釐票之內作爲協濟甘肅之餉奏入

上從之

初二日乙丑

系長

綏奏言探聞賊竄福建永定縣

經官軍擊退後逆渠李侍賣汪海洋竄上杭武

平一帶前隊逆衆已至廣東嘉應州境偏近江

西會昌長甯兩縣邊界定南龍南亦相去不遠

臣已咨商婁雲慶率霆字全軍視賊所向迎頭

兜勦並令席寶田由雩都進紮甯都飛咨湖南

提臣周寬世嚴守長甯普承忠所部弁兵移紮

建昌府與前任甘肅臬司劉于溥駐撫水陸各
營聯絡聲勢以保腹地

孫長紱又奏言據在籍紳士前任禮部左侍郎
李道生等呈稱江西巡撫沈葆楨蒞江數載調
度有方現丁母憂奉

旨改爲署理百日假滿卽令馳赴署任此時江省軍
情孔棘亟盼沈葆楨來江督辦防勦懇請代奏

等情臣查閱逆現偏賴甯江省軍情誠屬喫緊
撫臣沈葆楨撫江有年民心愛戴如令迅速來
江則羣情鼓舞必能踴躍用命合無仰懇

天恩飭下沈葆楨剋日來江任事實於軍務有裨奏

八

上命軍機大臣傳諭瑞麟左宗棠徐宗幹郭嵩素孫
長綏曰此次嘉應州境被匪竄入何以未據瑞麟

郭嵩燾奏報卽著瑞麟等督飭官軍迅速掃蕩該逆現竄何處並著隨時奏報賊氛逼近贛甯江省東路之防倍形喫緊著左宗棠仍遵前旨不分畛域督飭官軍越境追勦迅殲醜類蘇省援閩之郭松林楊鼎勳二軍仍遵前旨飭赴江閩交界處所駐紮以遏賊氛江西紳士呈請飭沈葆楨仍赴江西督辦防勦著左宗棠徐宗幹卽行傳知該撫務

須移孝作忠毋再固辭

初五日戊辰瑞麟郭嵩燾奏言據布政使李福泰

稟稱自閩軍收復漳州後各逆奔聚平和境內
潮屬饒平縣與平和毗連正當漳州之衝濂逆
大股方與官兵相持侍逆一股已由平和直犯
饒平二十六日副將林保探聞閩軍逼近派隊
策應適提督高連陞統兵趕到併力夾擊二十

七日將平和縣城收復該逆敗竄永定一路與
濂逆合股疊次攻撲大埔縣城均爲方耀鄭紹
忠等軍擊退四月十六二十等日鄭紹忠等將
撲城之匪連擊獲勝二十四日濂逆分竄虎頭
沙等處均經官兵邀截殺傷甚多侍逆等自漳
溪竄撲方耀等橫衝突擊我軍勇氣百倍斃賊
二三千名墜崖死者以萬計其雲霄踞逆竄越

平和又經林保伏兵截擊五月初一日將詔安
縣城克復該逆盡撤永定之圍直趨上杭查該
逆糾黨二十餘萬意圖趨犯嘉應經方耀鄭紹
忠以少擊衆血戰數十里誅賊萬餘人俾積年
巨寇技窮力竭繞道潛逃惟賊蹤飄忽靡常上
杭連城等縣皆與嘉屬之鎮平平遠接壤又可
由會昌瑞金上竄南雄下走甯贛臣等已派卓

興駐紮嘉應並飭林保等移紮平鎮一帶扼要
嚴守任星元專防北路兵力較單已飭察看緩
急再行抽撥一面飛咨江閩各省乘賊奔敗之
初設法兜圍方耀鄭紹忠兩軍仍飭跟蹤追勦
會同江閩各軍協力掩擊淨埽賊氛所有尤爲
出力之總兵方耀等可否分別給予獎勵出自

天恩奏八

上命軍機大臣傳諭瑞麟左宗棠徐宗幹郭嵩燾曰
前據左宗棠奏攻克平和皆敘閩軍戰狀並未敘
及粵軍並云僅有詔安一城擬卽派郭松林楊鼎
勳等軍前往規取此次瑞麟等所奏攻克平和詔
安兩城與左宗棠所奏互異且云逆賊有二十餘
萬之多方耀等血戰數十里誅賊萬餘人語近鋪
張著左宗棠迅將平和詔安如何攻克是否會同

粵軍之處詳細查明具奏瑞麟等所保出力之方
罐等著俟左宗棠奏到再降諭旨瑞麟等所稱已
派卓興專駐嘉應並飭林保等移紮平鎮一帶扼
守著卽督飭各軍嚴密防勦並著左宗棠仍遵前
旨不分畛域越境追勦迅殲醜類俾江粵諸境一
律廓清以副委任

十二日乙亥駱秉章奏言查僞啟王梁城富倡亂

以來流毒各省僞元帥蔡昆明保滇逆李添和
餘黨尤爲狡悍擾川擾陝復自漢南竄犯楚疆
遂與梁城富合股回竄陝西盩鄂一帶經陝西
撫臣劉蓉督師追擊該逆等仍由陝南奔竄沿
途裏脅聚至三萬餘人因川北防堵嚴密遂竄
陷甘肅階州經臣與陝西撫臣分派諸軍越境
勦辦城外各壘以次攻拔並經四川提督胡中

和甘肅臬司林之望督師合圍遂寧州城攻拔
除蔡逆已經陣斬外其僞殿王梁城富暨僞官
蔡潮俸僞國舅曹汝玉等由總兵周達武押解
赴省臣於訊明後已將該逆等處以極刑用彰
國憲而昭炯戒奏入報

聞

十四日丁丑左宗棠徐宗幹奏言官軍克復漳浦

後臣等飭提督黃中元等進圖詔安行抵梅村
屢次獲勝比至城下該逆已向烏山一路竄走
當會同廣東官兵將縣城收復雲霄漳浦敗賊
二萬餘人竄近平和經高連陞等迎擊生擒僞
詳王黃漋芸餘賊殲除淨盡其僞利王朱逆僞
來王陸逆兩股亦經王德榜殲斃無數餘賊投
械乞降逆首丁沫洋竄至白土王德榜率軍夾

擊斃賊四千餘名丁汰洋勢窮力蹙率衆赴劉
典軍前乞降劉典當令丁汰洋挑選千人隨同
勦賊立功其汪海洋一股自大埔回竄永定總
兵王開琳飭丁長勝分軍扼繁距城三十五里
之獵射凹屢戰皆捷詎汪逆以一股撲永定縣
城一股分犯獵射凹營壘先於要隘分築四壘
以絕永定赴援之路復添築數壘困之丁長勝

忽飢力戰相持兩晝夜逆賊愈裏愈厚破壘而
入丁長勝力竭陣亡各營隨陷劉典飛飭已革
參將劉大謨等會同延建邵道康國器馳援斃
賊數千名賊勢不支向永定西北竄走侍逆敗
股續竄永定獵射凹等處楊鼎勳等分路追殺
斃賊極多張福齊等收降約萬餘名據降人何
春貴等供侍逆於初二日夜帶傷從十數賊策

馬過河擬奔汪海洋賊營惟時中流湍急多被溺死侍逆溺斃與否尙無確據現在該逆餘黨所贖不過數千林振揚夥黨亦搘斬殆盡惟汪海洋一股尙有數萬經各軍疊次勦辦兜緜仍張現在閩省沿邊節節皆有布置如江粵防軍能於邊境兜勦則逆賊無隙可乘自可收聚殲之效江西贛甯一帶空虛劉典已咨商王開琳

收集各營率赴贛州防勦

臣

於初十日馳抵漳

郡一面趕籌糧運一面督軍躡追以冀迅埽餘

氣仰紓

宸廬永定獵射凹各營失陷王開琳咎有應得應請
旨將候補總兵王開琳革職留營以觀後效其力戰
陣亡之總兵丁長勝懇

恩准照提督例

賜卹

予謚並附祀湖南已故道員王鑫專祠遊擊陳觀光
請照參將例從優議卹投誠之丁汰洋可否

賞給守備銜令其立功自贖之處出自

天恩

左宗棠又奏言劉典一軍於四月十九日進規
南靖適南靖上社小溪山等處之賊分路來援

經我軍奮勇迎勦斃賊千餘名生擒百餘名該逆遂向小溪遁去劉典約會各軍於二十二日進攻縣城大隊奪門而入羣賊或伏地乞降或拏死衝竄李耀南楊芳桂等收降四千餘人其奪路竄走之賊截殺殆盡當將南靖縣城克復此次劉典督軍勦辦盡瘁馳驅勳績卓著惟係幫辦大員應否

加恩之處臣等未敢妄擬所有出力之副將張福齊
等懇請獎勵伏候

恩施奏八

上命軍機大臣傳諭瑞麟左宗棠徐宗幹郭嵩燾孫
長綏曰丁汰洋投誠已照左宗棠所請賞給守備
銜著卽令其督率挑留悍卒隨隊攻勦如不得力
仍當嚴行懲辦遣散降人沿途能否安靜著咨明

各督撫督同地方官嚴加約束以免復行勾結李
侍賈是否被水衝沒仍著查明實在下落具奏汪
海洋一股人數尙衆現在上杭一帶盤踞高連陞
等軍已駐盧峯劉清亮軍亦剋日繼進著該督卽
飭諸軍設法進剿並杜其旁竄之路毋令再擾完
善上杭距粵東之大埔饒平江西之會昌長甯等
處均屬切近著瑞麟等督同李福泰將潮防各軍

實力整頓方耀等軍如能出境會勦卽飭該總兵
等奮勉圖功爲一勞永逸之計賊氣逼近贛甯江
省東路之防倍緊前諭調郭松林楊鼎勳二軍赴
江閩交界處所駐紮該督曾否調派席寶田等軍
現紮何處著孫長綏酌度情形趕緊調赴贛甯一
帶扼防左宗棠仍遵前旨不分畛域派兵赴江迎
前兜截勿任闖入完善南靖克復劉典一軍聲威

甚壯應如何調派之處著該督妥爲調度以期速
竟全功同膺懋賞永定獵射凹各營失陷詳細情
形仍著查明具奏王開琳已革職留營著卽飭令
收集各營迅赴江西贛州防勦立功自贖儻再有
疏虞定卽從重治罪

上諭內閣曰前據瑞麟郭嵩燾奏粵軍越境攻克平
和詔安兩縣城大埔防兵獲勝本日左宗棠徐宗

幹奏閩軍收復詔安首逆乞降截勦逸賊疊勝情
形大略相同瑞麟等摺內所保尤爲出力之候補
總兵方耀著賞加提督銜都司鄭紹忠著以副將
留於廣東補用遊擊林詩成著以遊擊儘先補用
並賞加參將銜都司陳乳著以遊擊補用守備方
龍等六員均著免補守備以都司補用並賞換花
翎千總侯玉等六員均著免補千總以守備補用

雲騎尉方傑著以守備補用以上七員並賞加都
司銜把總林材著以千總儘先拔補並賞加守備
銜軍功徐桂祖等七名均著以千總儘先拔補並
賞戴藍翎徐桂祖劉順昌並賞加守備銜左宗棠
等摺內所開陣亡總兵丁長勝著照提督陣亡例
議卹並加恩予謚准其附祀湖南道員王鑫專祠
遊擊陳觀光著照參將例從優議卹候補總兵王

開琳於所部獵射凹營盤失陷丁長勝戰歿未能
救援實難辭咎著革職留營以觀後效此次出力
各將弁兵勇著左宗棠查明案請獎投誠之丁
汰洋著賞給守備銜責令立功贖罪劉典一軍將
南靖縣城克復尤爲出力之副將張福齊著賞換
花翎浙江補用道李耀南著賞加按察使銜並賞
給該員祖父母父母正三品封典同知楊鼎勳著

賞換花翎並賞給知府銜副將齊蘭禮著以總兵
記名簡放文繼昌著賞加總兵銜參將宋定元等
二員著以副將留於閩浙補用已革副將銜參將
劉大謨著開復原官並免繳捐復銀兩都司張星
元等五員均著以遊擊留於福建補用軍功蕭雅
泗等二名均著以都司留於福建補用並賞戴花
翎直隸州知州喻步蓮著俟補缺後以知府補用

先換項戴候補按察使劉典督軍入閩膺公疊奏
深堪嘉尙著賞給白玉柄小刀一把白玉檄指一

箇大荷包一對小荷包二箇火鎗一把以示優異

十七日庚辰瑞麟郭嵩焘奏言福建漳州等處敗

匪由永定屯聚上杭經副將林保等疊次截勦
於大溪下河茂芝鄉等處擒斬數千名生擒逆
首朱得恩等逆匪復屬集東船鄉總兵翟國彥

等追至河邊賊爭泅水溺斃二三千名生擒三百二十三名救出難民五六百名餘匪竄至漳
溪總兵方耀分軍追殺二千餘名該匪闖入鎮
平縣境都司鄭紹忠復邀擊於謝村地方三路
夾擊殲斃逆匪無算將數十里賊壘一律焚燬
訊據獲賊供稱侍逆李侍贊已於大埔敗潰時
自刎身死其餘匪歸湧逆管帶現屯上都象洞

等情查覺逆入閩以來號稱二三十萬其兇悍
桀黠以侍濂二逆爲最經閩粵官軍痛加勦戮
逆燄已衰李侍贊之果否自刎尙未可知濂逆
猶擁死黨十餘萬臣等前議派卓興駐守嘉應
現在藩司李福泰已由潮州移紮嘉城卽飭卓
興嚴堵龍川縣之老隆以固惠韶之路方耀鄭紹
等分守隘口杜賊走興長嘉應之路方耀鄭紹

忠兩軍飭赴鎮平協攻務合江閩兩省兵力共
清餘孽所有出力之潮州鎮總兵翟國彥等分
別開列懇請獎勵伏候

恩施奏入

上命軍機大臣傳諭瑞麟郭嵩燾曰濂逆由永定屯
聚上杭經副將林保等節節進擊賊勢不支竄至
鎮平現屯上都象洞等處該署督撫現飭李福泰

移紮嘉應飭卓興嚴堵龍川縣之老隆以固惠韶
令林保等分守隘口杜賊走興長嘉應之路方耀
等軍飭赴鎮平協攻所籌均尚周妥著卽督飭在
事各員弁實力勦辦務期與江閩各軍會合痛殄
餘氛無留遺孽逆首李侍賈前據左宗棠等奏有
被水衝沒之說茲據瑞麟等奏在永定自刎究竟
已否身死仍著查明實在下落具奏該署督撫每

於具報勝仗一次必隨摺保舉多員此次姑念該員弁出境勦賊有功從寬照准逆衆由閩入粵粵省各軍何以不能堵截入境之路著責令方耀等認真防勦勿令旁竄嗣後保舉務須覈實遇有小勝暫行存記俟此股賊匪殄盡方准彙案保獎上諭內閣曰髮逆由閩省敗竄廣東邊界經副將林保等疊次截勦於大溪下河茂芝鄉等處擒斬數

千名將數十里賊壘一律焚燬防勦尙爲得手所
有尤爲出力之總兵翟國彥著賞加提督銜副將
林保著賞加總兵銜參將戴朝佐著賞加副將銜
遊擊黃相奎著免補遊擊以參將補用並賞換花
翎守備梁仕光著免補守備以都司補用並賞換
花翎千總鄧安邦著以都司儘先補用並賞給銳
勇巴圖魯名號守備周升著以都司儘先補用黃

添元鄧奮鵬均著以都司補用千總楊浮著以守備儘先補用並賞加都司銜顏金鄭潤材均著免補千總以守備補用並賞換花翎同知銜張權著以同知選用從九品陳瑞麟著免選本班以縣丞卽選

同日勞崇光張亮基奏言粵黔各軍由永從縣進勦髮匪曇獲勝仗該逆陳輝良等窮蹙乞降

經副將楊廷桂等予限五日令將首逆吳華首
級割獻各降衆按名薙髮分別資遣臣等查上
年髮匪由川至楚繞粵入黔前在古州一帶被
官軍殲除過半猶復輾轉經年重煩三省兵力
今經粵黔官軍痛加懲創該匪等悔過投誠仰
懇我

皇上施法外之仁以安反側所有在事出力之副將

天恩奏入

上諭內閣曰貴州黎平府髮匪被勦窮蹙悔罪投誠
自應准予免罪以示法外之仁所有此次在事出
力之副將楊廷桂著交軍機處記名遇有總兵缺
出請旨簡放並賞加提督銜賞給該員祖父母父
母一品封典總兵劉元勳著賞給該員祖父母父

母二品封典提督銜候補總兵金太文著賞還原
官原銜並賞還花翎副將曾玉龍著賞加總兵銜
遊擊孔憲隆著免升參將以副將補用並賞給強
勇巴圖魯名號都司馬榮升劉揚均著免升遊擊
以參將補用候補同知直隸州知州徐達邦著免
補本班以知府補用守備張超著免補守備以都
司儘先補用並賞加遊擊銜把總潘昇著免升千

總以守備儘先補用並賞加都司銜賞換花翎降人陳輝良著准其更名陳朝綱賞給六品翎頂

十九日

壬午

孫長綏奏言據各營報稱霆營叛勇

已由興甯桂陽入粵五月十六日至樂昌十七

日至仁化偏近江西南安府邊境福建上杭武

平髮逆悉竄廣東嘉應州屬之鎮平縣現復竄

往平遠和平一帶圖犯南雄州江省贛州府屬

邊界均極契緊閩省已無賊蹤閩師分紮上杭等處杜賊回竄臣查叛勇自抵仁化近日又有回竄桂陽之說髮逆一入粵境卽由平遠和平西趨將及南雄意在彼此會合另圖衝突此時閩省肅清贛河以東防務稍緩惟贛南二郡最爲喫重吉安一府壞連南贛亦當衝要臣已飭參將劉勝祥率祥字營席寶田率精毅營馳往

南安堵禦並令婁雲慶率霆字各營馳防信豐
銓字平江各營扼守會昌長甯等縣並據吉南
贛甯道王文瑞稟老湘營自閩拔回不日即可
到贛協防前經督臣調來候補藩司劉連捷總
兵朱南桂朱洪章三軍來江防勦現紮瑞州臨
江等府臣以吉安防兵較單卽令劉連捷朱洪
章各率所部進紮吉安以固要郡朱南桂一軍

留駐臨江以備策應似此層層設防或可力固
疆圉仍策邊防各軍視賊趨向與閩粵追師相
機夾擊毋任竄越蔓延奏入

上諭曰著卽嚴飭劉連捷等軍慎固邊防相機夾擊
毋稍鬆懈

二十六日己丑左宗棠徐宗幹奏冒高連陞等駐

軍平和將漳浦雲霄竄賊殲除後比抵永定汪

逆已向上杭中都竄走侍逆餘黨亦續由大姑
灘逃逸高連陞等驅趕緊追五月初十十二等
日出隊至大姑灘對岸該逆率衆渡河回撲經
官軍擊敗高連陞等遂率各營進紮大姑灘上
下沿河密布營壘時悍賊數千將所紮木簰千
餘架搬至河邊正圖搭架浮橋官軍突至槍礮
齊發汪逆亦令悍黨拌死抗拒官軍縱擊歷三

時之久斃悍賊數百名賊猶死拒不退高連陞等各挑洋槍隊百人潛從大姑灘躍淺過河警見山頭號火齊起知汪逆嗾羣賊來援高連陞等麾洋槍隊遽前薄之轟斃頭旗悍賊一名羣賊驚駭乃棄馬翻山而遁河邊搭橋之賊同時竄走官軍乘勢壓擊斃悍賊三百名生擒二十六名墮巖落水死者千計時劉清亮留駐湖雷

各營會同追勦斃賊無算黃少春等擊賊於中
赤地方該逆已向下壩逃竄官軍追及斬賊二
百餘名高連陞等進駐下壩計各戰擒斬逆賊
實不下三四千名竊維李侍贊汪海洋等逆由
江粵竄閩連陷府廳州縣幸賴

聖謨廣運飭浙軍迅赴戎機資以浙餉復飭蘇軍赴
閩助剿數月之間得將各城次第克復全境一

律肅清李侍贊林振揚兩股擒斬殆盡丁汰洋
一股窘蹙投誠僅餘汪逆一般夥黨數萬逼聚
江閩粵三省之交直趨嘉應州臣等已飭康國
器及關鎮邦所部粵勇五千餘人由峯市追勦
冀與粵東嘉應官軍共收夾擊之效惟汪逆本
謀竄江似不久留粵境臣等已飭王開琳率所
部老湘營由汀赴贛其高連陞黃少春劉清亮

三軍轉戰千里實形勞瘁應暫留武平休息劉
典一軍俟整理就緒後亦卽由汀贛或徑赴南
安截其由江西竄湖南之路期將此股殲除稍
紓

宸廬

左宗棠徐宗幹又奏言逆首李侍翭自平和帶
傷後五月初二夜偕十數賊在永定過河淹斃

業經前奏聲敘及之茲據各路軍管稟報訊之
生擒賊目及各降人所供侍逆溺斃係五月初
二夜事均無異詞而漳州逃出難民則言侍逆
於初二夜同數賊棄馬逃走因不識路徑繞山
奔竄天明仍在原處鄉民獲住搜出隨身金葉
五十餘兩旋爲官軍揪去一時喧傳侍逆業已
就擒又似侍逆未及過河已就擒者未據各軍

稟及殊難憑信惟續獲汪海洋股內夥黨及逃出難民均供汪逆在上杭中都時久候侍逆不至一日傳集各賊目將奔投之僞王宗李逆等械繫稱侍逆已死於下洋僞王宗救護不力應卽議罪是侍逆之已經伏誅確無可疑惟溺死永定河中與獲斬於下洋則尙難確指也臣等仍當留心訪察以期覈實

左宗棠又奏言臣接署兩江督臣李鴻章咨飭
前派援閩之提督郭松林楊鼎勳兩軍由閩繞
赴江西湖南邊界相機迎堵其洞燭賊情謀慮
深遠實非臣愚陋所及惟李鴻章入奏時尙未
知逆首李侍賛丁汰洋林振揚各股或降或散
或勦除殆盡故擬以此軍爲馳援數省之師茲
查由閩竄粵之賊實祇汪海洋夥黨數萬臣檄

康國器率軍及關鎮邦所部共五千餘人由永定盧峯取道入粵冀以粵人援粵戰於其鄉以收夾擊之功又竊以汪逆志在竄江官軍入粵祇是尾追益援粵之師恐徒速其竄江之勢似不如伺其竄入江西迎頭截擊較爲得之現飭王開琳率所部入江西贛州高連陞黃少春劉清亮暫駐武平劉典將各軍整理後即馳赴汀

州駐武平者將趨長甯安遠以固贛東駐汀州者將由贛州趨南安以固贛西而兼爲固湘之計也如天之福三省合力或可將此股就地殲除不致久稽

天討是蘇軍不入江西湖南於局勢尙似無損臣前聞直東軍務喫緊並准李鴻章來咨始知曾國藩將赴山東李鴻章暫署兩江督篆捻逆彼猖

特甚時事方殷似兩省兵力宜厚而不宜薄郭
松林楊鼎勳所部多勇敢之士所習洋槍礮隊
必非捻逆所能當且淮北皖北之人實居大半
用之北方服水土而少疾病得力無疑臣愚以
爲就天下大局而論直東爲重閩粵江西爲輕
就此時賊勢而論閩粵江西爲緩而直東較急
是蘇省援閩之軍仍應調回蘇州以備曾國藩

李鴻章調度明矣至兩軍回蘇或應由海道抵
滬或取道江西水陸入皖臣已一面減商郭松

林楊鼎勳自行酌度臣當籌畫資遣奏入

上命軍機大臣傳諭瑞麟崑壽左宗棠徐宗幹郭嵩

燾孫長紱曰汪逆由上杭中都敗走經高連陞等

追至武平該逆由下壩先竄鎮平復由粵東邊界

竄去有直趨嘉應州之勢左宗棠已飭康國器及

關鎮邦各部粵勇五千人由峯市追勦著瑞麟郭嵩禦督飭方耀等會同閩軍認真擊勦李福泰已移紮嘉應卽著飭令該藩司等三面兜擊高連陞黃少春劉清亮等軍暫駐武平稍爲休息仍著左宗棠飭令覩賊所向實力遏截汪逆本謀竄江未必久留粵境孫長綏務當懔遵屢次寄諭將贛防密爲布置督飭派出諸軍與左宗棠所派之王開

琳一軍實力防勦劉典一軍或由汀赴贛或徑赴
南安截其由江西竄湖南之路著左宗棠斟酌軍
情緩急調派此次追賊出力各軍及防守轉運各
員弁著該督查明彙案擇尤保奏李侍賢一犯或
云衝沒或云被擒或云自刎尙無實在下落仍著
查明具奏郭松林楊鼎勳二軍卽照左宗棠所請
飭令迅速回蘇聽候李鴻章調遣

上又命軍機大臣傳諭曾國藩李鴻章曰本日據左宗棠奏閩境肅清請將援閩之郭松林楊鼎勳兩軍回蘇候調業已降旨照准如皖省兵力不敷兜勦卽著曾國藩李鴻章酌量調派以資得力

左宗棠徐宗幹又奏言福建雲霄廳岳坑地方匪首朱起運等於賊陷漳州時導賊攻陷廳城迨廳城踞逆竄逸該鄉尙窩留僞天將陳仔及

逆賊三百餘人經臣飭令署福建陸路提督郭
松林候補提督楊鼎勳就近前往勦辦五月十
八夜郭松林楊鼎勳飭提督黃中元等分路進
剿十九日黎明行近岳坑將助逆朱姓各小村
掃蕩殺斃匪徒數百名旋卽進攻岳坑副將黃
璧首先踰濠而進被槍子貫胸殞命郭松林等
憤甚麾軍急攻遊擊楊玉書乘勢躍上石垣大

隊一齊衝入當將岳坑匪巢攻毀逆衆殲斃無
遺維時分攻大洞樓寨官軍直逼寨腳鑿穴填
入火藥轟開寨牆各軍一擁齊進生擒僞天將
陳仔餘逆悉誅乘勝進薄溪坪寨一鼓克之所
有最爲出力之江蘇補用遊擊楊玉書可否
賞加勇號以示鼓勵其力戰陣亡之擬保副將黃璧
擬保藍翎守備陳家晉應請

飭部從優議卹以慰忠魂奏入

上諭內閣曰此次官軍攻毀雲霄廳岳坑匪巢勦辦
尙爲得手在事尤爲出力之遊擊楊玉書著賞給
壯勇巴圖魯名號力戰陣亡之擬保副將黃璧擬
保守備陳家晉均著交部從優議卹

左宗棠徐宗幹又奏言延建邵道康國器一軍
於四月二十九日從永定劍灘截勦獲勝五月

初二日復親督各營將該逆浮橋三座一齊拆
毀各賊同時潰退官軍分路兜剿生擒千餘名
殺斃二千餘名各逆號哭之聲震動山谷康國
器傳令棄械投誠者免死同時跪伏道旁者約
萬餘人康國器受之初三日又飭各軍追剿收
降餘黨三千餘人訊供侍逆實已受傷落河身
死查五月初二之戰康國器一軍實爲出力臣

等前次奏報其時未接康國器稟贖漏未詳敘
茲合補陳以彰戰績按察使銜延建邵道康國
器懇請

賞加布政使銜其力戰捐軀之花翎補用都司劉振
伍請

旨照參將例議卹以慰忠魂奏入

上諭內閣曰此次官軍在永定劍灘等處剿賊大勝

殲除要逆勦辦甚屬得手所有尤爲出力之福建
延建邵道康國器著賞加布政使銜陣亡之都司
劉振伍著交部照參將例議卹

欽定勦平粵匪方略卷四百八

乙丑年

六月初六日 己亥瑞麟郭嵩燾奏言濟逆

撲鎮平縣城經鄭紹忠等督率兵練會合進勦立解城圍該逆向平遠武平一帶竄去共斃賊數千名生擒二百八十三名奪獲旗械騾馬無算鄭紹忠等分縛城外正擬跟蹤追勦濺逆復率中都等處踞匪領巢出犯分撲我軍營盤擬

保都司徐桂祖梁五全等血戰陣亡鄭紹忠見勢不能支帶勇衝出回紮新鋪等處以扼要隘該逆遂闖入鎮平縣城復分黨圖犯嘉應州城藩司李福泰駐紮嘉應催調各路防軍嚴密布置五月二十二日賊自鎮平分擾平遠縣城經都司鄧安邦等擊退連獲勝仗現在各軍陸續雲集力圖扼要拒守查凍逆大股前踞中都象

洞臣等飛調方耀鄭紹忠督勇抵鎮以遏其前
飭卓興駐老隆以杜旁竄李福泰復派鄧安邦
梁仕光等分紮平遠等處防賊走龍和入江西
之徑閩軍扼守上杭邀截後路原期節節偏緊
蹙之一隅得以迅殲醜類乃各軍因溪漲道阻
未能應期畢集鄭紹忠等五六千人難資抵禦
致被該匪闖入鎮平賊勢稍張辦理復費周折

臣等再四熟商目前宜內顧腹地外籌全局不
必以克復鎮平爲急務蓋鎮平居閩粵江楚四
省之交霆營叛勇尙擾南雄信豐等處一經勾
結數省皆將震動現派黃添元鄧奮鵬兩軍繁
巖下黃見嶺扼守龍和門戶令卓興進繁長樂
俾賊不得犯興長而窺惠郡李福泰駐嘉策應
督飭方耀鄭紹忠等軍聯絡進取徐圖恢復鎮

邑臣等一面飛咨江楚各省防賊竄越並請
飭令郭松林一軍由鎮平平遠一路進擊移禁江楚
交錯之區與粵省官兵就近聯絡如賊北竄則
粵閩各軍擊其後江軍扼其前郭松林累勝之
師橫據要路得以乘其敝而制其死命務期四
面兜圍淨埽逆氛而後已至勦賊捐軀之擬保
都司徐桂祖梁五全擬請

飭部照都司陣亡例從優議卹鎮平文武下落容臣等查明分別辦理

瑞麟郭嵩燾又奏言臣等查郭松林楊鼎勳兩軍駐紮雲霄距粵邊甚近凜逆現竄鎮平閩軍進犯中都象洞一帶東北兩面已可合圍是該逆竄擾江楚僅有長甯安遠一路郭松林楊鼎勳兩軍應急由潮嘉以西取道平遠以出長甯

乃可顧及江楚藩籬臣等現經移咨左宗棠迅
調郭松林等軍自雲霄移赴潮州以達嘉應如
可合圍進攻卽會合粵軍遮擊以期一鼓蕩平
如賊勢蔓延有關入江楚之勢則由長甯安遠
與江西會昌之軍聯絡取徑旣捷遮遏賊勢亦
稍能得其要領

瑞麟郭嵩燾又奏言霆營叛勇由樂昌仁化一

帶竄至南雄信豐等處若裹脅日衆恐更難於
收拾伏乞

飭令鮑超星速抵江設法辦理以杜延蔓臣等現飭
參將朱國雄等募勇二千名分赴南雄韶州聽
候衛佐邦任星元調遣檄飭認眞堵勦以靖地
方

同日系長綏奏言大股逆匪現聚廣東鎮平等

縣閩境肅清甯都防務較鬆贛州屬境最爲喫緊查臬司席寶田所部精毅營業已調赴贛郡已革總兵王開琳亦率新老湘營抵贛臣現令該二軍於長甯定南二處擇要分紮參將劉勝祥之勇仍令留防南安至郭松林場鼎勳兩軍現准李鴻章咨左宗棠以該二軍或應回蘇或令跟蹤追勦未能臆斷業經行令暫赴江西建

昌南豐扼繁如賊竄江境會合各軍攔截如賊由江粵邊界竄往楚南該兩軍卽赴湘追勦俟抵江境時臣當隨時咨商左宗棠調撥一面諄屬贛南各營嚴密籌防力固疆圉均奏入

上命軍機大臣傳諭瑞麟左棠宗李鴻章劉坤一郭嵩燾孫長紱曰鎮平解圍復被凜逆等股闖入賊勢驟張瑞麟等現派黃添元鄧奮鵬及卓興等軍

扼紮龍和長樂要隘飭李福泰駐紮嘉應策應方
耀等聯軍進取徐圖恢復鎮邑所籌尙妥卽著督
飭各軍實力防勦截其旁竄之路一俟援兵到齊
卽行會同進擊聚而殲旃左宗棠當迅催閩軍入
粵會合粵省兵勇兩面夾擊盡埽賊氣不得以賊
已出境遂置粵事於不顧孫長絨所派之席寶田
王開琳兩軍均已到贛卽著飭令整頓隊伍擇要

嚴防如粵賊竄近邊境卽行迎頭截擊不准稍有
疏虞鎮平文武下落著瑞麟郭嵩燾查明具奏力
戰捐軀之擬保都司徐桂祖梁五全均著交部照
都司陣亡例從優議卹以慰忠魂至郭松林楊鼎
勳兩軍前因左宗棠奏閩省肅清請飭回蘇候調
當經降旨允准並令李鴻章酌量情形調派赴皖
現在該兩軍行抵何處抑尚在閩境瑞麟等所奏

咨調蘇軍由潮嘉一路進防江楚及孫長齡奏請
俟該兩軍到江咨商左宗棠調撥之處是否可行
著左宗棠李鴻章斟酌調派毋失機宜如郭松林
等榮已赴蘇應如何添派勁兵赴粵赴江防勦卽
著左宗棠妥籌兼顧不得稍分畛域霆營叛勇竄
至南雄信豐地方萬一與濂逆等股合併一處爲
患甚鉅鮑超尙未奏報起程瑞麟等惟當督飭朱

國雄等就現有兵力視賊所向跟蹤追勦以靖地
方

十五日 戊申 瑞麟郭嵩燾奏言凜逆自陷鎮平盤

蹄城內並於白泥湖三訓墟及平遠屬大柘石
正一帶分縛賊卡五月二十八閏五月初五等
日總兵翟國彥等將五星橋等處賊匪擊退並
將九嶺茶園一帶賊巢埽蕩淨盡查該逆分黨

肆擾原爲牽掣官軍起見從前賊在閩疆我軍
以勦爲堵現在賊入本境我軍又當以堵爲勦
毗連鎮平各要隘現經密飭各軍節節兜圍江
閩諸軍亦分紮交界地方互相聯絡擬將大柘
石正之賊先行埽除免被牽掣然後以全力進
攻濂逆較爲得勢惟潮防各隊陸續裁撤現留
嘉應兵勇祇三萬餘人分守隘口則有餘進埽

巨憝則不足臣等再四思維惟有仍照前議飛
催郭松林楊鼎勳二軍速自雲霄取道嘉應並
由李福泰與補用道吳贊誠就近移會康國器
劉典等約期前逼併力合勦或可冀聚而殲旃
瑞麟郭嵩焘又奏言霆營叛勇經總兵任星元
擊敗後遁入江西信豐龍南各縣境閏五月初
七日竄至安遠擾及定南潛入廣東和平龍川

之江廣亭初十日已抵興甯縣之十三都司等處數不盈萬時思依附髮逆大股暫延喘息現在黃添元鄧奮鵬兩軍駐紮龍川鄭紹忠移紮老隆卓興駐軍興甯縣城可絕其內犯及回竄之路又經李福泰抽撥勁旅令方耀帶赴龍虎墟會商吳贊誠等乘該匪初至亟圖撲滅臣等仍檄飭在事文武妥密辦理奏入

上命軍機大臣傳諭瑞麟左宗棠徐宗幹郭嵩燾孫長綏曰濂逆盤踞鎮平官軍屢次獲勝並將九嶺茶園一帶賊巢埽蕩辦理尙爲得手惟該逆以敗殘之餘欲爲困獸之鬪出其悍黨四路牽掣非厚集兵力不足制其死命瑞麟等現將毗連鎮平各要隘密布兜圍江閩諸軍亦分紮交界地方著卽督飭諸軍迅將大柘石正之賊先行埽除然後以

全力進攻諫逆郭松林楊鼎勳二軍前已諭令斟
酌調派該軍如尙未回蘇卽著飛調由雲霄取道
嘉應進剿康國器等軍著左宗棠飭令會合攻剿
毋任再有竄逸霆營叛勇復由江西邊界竄入廣
東和平龍川之江廣亭並擾及興甯屬之十三都
司等處數不盈萬時思歸入逆股現經該督撫飭
令黃添元等移紮老隆等處絕其內犯及回竄之

路又令方耀抽撥勁旅親赴龍虎墟會商吳贊誠等乘該匪初至亟圖撲滅匪數無多諒不難一鼓殄除斷不可令其勾結濂逆大股致成不了之局現在江境是否肅清如有遺孽著孫長紱飭令地方文武搜勦並令席寶田等軍出境防勦無任回竄

竄

十八日亥瑞麟郭嵩燾奏言濂逆盤踞鎮平縣

城分擾平遠屬之大柘等處總兵方耀帶兵進
剿逼近賊營逆目朱恩達率親黨一百餘人潛
赴鄧安邦營盤求撫吳贊誠等受之並詢知石
正踞逆自安仁至老墟連營十餘座在坑口堅
築大巢豎柵挑濠賊氣已餒利在速攻閏五月
十五日約會各營出隊分路進攻賊勢敗退我
軍追擊三十餘里斃匪二千餘名落崖墜澗者

無數乘勝將超竹大柘兩處賊壘平毀斬馘甚
多平遠縣境業已肅清鎮平濂逆大股勢成孤
立亟應乘此聲勢四面會剿此時郭松林楊鼎
勳兩軍雖經咨調亦無到粵確期而事機緊急
深慮稍涉延宕致長寇心現飭李福泰迅籌規
復鎮平至嘉應東路有翟國彥二千餘人駐紮
輔以康國器一軍可以由東路進攻方耀鄧安

邦等軍漸由石正大柘等處出鎮平之西相機
會勦臣等一面飛咨江省迅飭防軍堵截扼其
西竄長甯安遠之路以免繞越延蔓至建營叛
勇困守十三都司築圍自固阜興現駐興甯縣
城卽責令勦辦此股鄭紹忠近在長樂亦可遙
爲聲援杜其回竄朱恩溢尙知順逆應卽准其
投誠改名朱朝安留營效力奏入

上命軍機大臣傳諭瑞麟左宗棠徐宗幹郭嵩焘孫長齡曰淥逆分黨擾及平遠縣屬之大柘等處經方耀帶兵進剿連將石正超竹大柘等處賊壘埽蕩淨盡平遠縣境一律肅清勦辦甚爲得手現在淥逆雖踞鎮平其勢已孤亟應乘此聲威盡殲醜類著瑞麟等飭令李福泰迅籌規復毋失事機惟該逆死黨尙衆必須四面兜剿方能一鼓蕩平康

國器等軍前經左宗棠派赴嘉應進剿著卽會同
翟國彥一軍由東路進攻與方耀等西路之軍同
時並進自可聚而殲旃其長甯安遠一帶尤恐該
逆繞越著孫長絅飭令劉典王開琳兩軍由贛州
一路移軍前進以勦爲防期與粵軍併力夾擊高
連陞等軍卽著左宗棠檄令由武平赴粵會剿其
郭松林楊鼎勳兩軍如尙未回蘇瑞麟左宗棠等

即可遵照前旨飛調該軍由雲霄取道前進以期
厚集兵力該督撫等務當不分畛域迅奏膺公投
誠之朱懸溼准其更名朱朝安留營效力仍著瑞
麟等隨時防範毋稍大意霆營叛勇困守十三都
司築圍自固瑞麟等現已責成卓興勦辦此股並
有鄭紹忠遙爲聲援檻獸釜魚不難撲滅儻任其
竄逸或燭惑土匪再肆鴟張卽惟卓興等是問

二十一日

寅

甲子

孫長紱奏言興甯逆匪竄入江西

長甯縣境之留車墟經提督周寬世等分路進
剿該逆敗走篁鄉及廣東龍川縣之吉祥墟與
建營叛勇合股復經我軍追擊陣斬悍賊多名
餘匪悉向上坪墟一帶竄去長甯境內一律肅
清查汪逆大股尙踞平遠鎮平偏近長邑臣現
飭臬司席寶田率隊馳赴長甯與周寬世合力

堵禦並兼顧賊由安遠內竄之路提督婁雲慶
分紮信豐縣之大塘鋪等處左右策應王開琳
一軍自挫敗後新湘營帳棚軍械均未齊全非
大加整頓勢難應敵老湘營又以欠餉太多聚
衆爭鬧昨經咨商左宗棠籌發鉅餉須俟解到
料理妥帖再候調遣臣現飭總局司道籌撥軍
裝餉需趕解協濟並囑王開琳上緊整飭隊伍

以期剋日成軍出防一面激勵本省防師力固
疆圉此次銓字營隨同周寬世力戰卻賊可否
容臣擇尤保獎出自

天恩奏入

上命軍機大臣傳諭瑞麟左宗棠徐宗幹郭嵩燾孫
長齡曰興甯逆匪竄入江西長寧縣境之留車墟
經江軍擊退賊向廣東龍川縣上坪墟一帶竄去

銓字督隨同周寬世等力戰卻賊不無微勞足錄
著孫長紱擇尤保獎毋許冒濫前因瑞麟等奏平
遠肅清凜逆仍踞鎮平當經諭令調集各軍分路
進剿現在賊衆數萬羣聚龍川毗連鎮平與定南
龍南相距均不甚遠霆營叛勇若與合股賊燄益
張設被往來竄越則勦辦更形棘手孫長紱已飭
席寶田周寬世等軍合力堵禦卽著督飭該臬司

等以勦爲防毋任該逆繞越王開琳一軍新湘營
旣須整頓老湘營何以亦有索餉爭鬧情事著左
宗棠等迅速籌發該營餉項以固軍心孫長綏卽
飭王開琳趕緊整飭隊伍剋日到防由贛州一路
督軍前進與粵軍併力夾擊共殄窮寇粵境賊氛
正熾著瑞麟郭嵩焘懔遵前旨催調各省援軍會
合本省之兵四面兜擊迅拔鎮平縣城翦除巨憝

毋令賊蹤紛竄更益蔓延

二十九日 壬戌 瑞麟郭嵩焘奏言凍逆大股屬聚

鎮平探知嘉應防軍稍單傾巢出擾分撲白渡
石峯徑都司周升以五百人守白渡副將林保
以二千人守石峯徑賊圍攻白渡周升部勇無
幾以重賞激勵衆心堅壘固守齊力轟擊斃匪
甚多該逆敗退其撲石峯徑之賊約五六萬人

林保扼守前山花旗股匪首先衝突紅旗賊匪
續至千總鄭紀勳中槍陣歿黃旗股匪由石扇
翻山抄襲我軍後營直薄濠邊都司楊仁守備
王熊彪千總林恩黃點俱受傷殞命各營兵勇
盡力血戰林保退紮象村路口以扼州城之路
賊仍紛紛踵至適方耀自龍虎墟折回州城督
勇援勦林保亦揮軍合攻賊向新鋪墟逃走方

耀等追殺二十餘里斃賊二百餘名該逆復分三路攻撲象村營盤衆軍分投追殺賊勢披靡俱遁回鎮平縣城現在霆營叛卒尙踞興甯羅浮司勾結花旗股匪擾及長甯龍川接壤之平越汝水等處當調副將鄭紹忠一軍駐紮龍川以資堵禦並飭李福泰督令鄭紹忠勦辦花旗股匪毋留餘孽另調黃添元鄧奮鵬移紮長樂

縣城卓興仍駐興甯固守惠韶門戶與鄭紹忠
互爲聲援方耀全軍進焚新鋪墟漸薄鎮城道
員康國器率閩軍自松源移赴嵩山派鄧安邦
等軍徑抵嵩山爲閩軍嚮導節節緊逼以收聚
殲之效惟濂逆黨與尙衆粵軍祇此數營戰守
兼籌時形拮据屢經咨催蘇軍郭松林楊鼎勳
速赴嘉應合勦若獲及時畢至辦理較易得手

至總兵銜副將林保此次派守石峯徑係屬嘉
應要區關繫甚重輒爲逆匪所乘所部員弁丁
勇傷亡多名雖因衆寡懸殊疏忽之咎究無可
辭應請

旨將林保暫行革職責令帶罪立功以贖前愆都司
楊仁守備王熊彪守備銜儘先千總鄭紀勳千
總林恩黃點力戰捐軀請

飭部照例議卹其餘陣亡營弁兵勇客臣查明咨部
請卹奏入

上命軍機大臣傳諭瑞麟左宗棠徐宗幹劉坤一郭嵩燾孫長紱曰濶逆大股屬聚鎮平乘虛竄擾嘉應分撲白渡石峯徑兩處營盤經方耀等軍馳往援勦連獲勝仗該逆全數退回鎮平方耀等軍現已進紮新鋪墟漸薄鎮城力圖攻勦卽著瑞麟郭

嵩燾督飭該總兵等統兵進剿迅拔堅城盡殲醜
類毋任闌入腹地致貽後患康國器所部閩軍自
松源移赴嵩山瑞麟等已派鄧安邦等軍徑抵嵩
山以爲閩軍嚮導卽著左宗棠徐宗幹檄飭康國
器會合粵軍節節進逼將鎮城踞匪悉數掃蕩以
清餘孽郭松林楊鼎勳所部蘇軍如尙在閩境並
著左宗棠飭令速赴嘉應會合進剿不可稍分畛

域致誤戎機前據瑞麟等奏霆營叛勇已困守十
三都司何以此次又與花旗合股擾及平越汝水
等處可見卓興等勦辦不力致被賊匪竄突瑞麟
等務當嚴飭卓興鄭紹忠等軍實力兜勦毋稍鬆
勁並著孫長紱嚴飭在防各軍併力堵勦勿任竄
越副將林保駐守石峯徑地方雖因衆寡不敵爲
賊所乘究難辭咎卽著暫行革職仍責令帶罪立

功以觀後效陣亡都司楊仁守備王熊彪守備銜
千總鄭紀勳千總林恩黃點均著交部照例議卹
霆營叛勇尙在長甯龍川一帶江西軍務喫緊劉
坤一著卽迅速赴任以資調度

七月初三日乙丑李鴻章奏言福建陸路提督郭
松林蘇松鎮總兵楊鼎勳等援閩之十六營臣
曾奏調由閩繞越江楚邊境擋頭扼勦續據閩

浙督臣左宗棠以閩中潰匪止存汪海洋一殷
該督已分派所部入贛州等處兼顧江楚應令
郭松林楊鼎勳二軍回蘇聽候調遣並經左宗
棠飭委廈門官紳豫備輪船資送該兩軍於六
月初聞陸續由海抵滬查此次援閩各營崎嶇
轉戰遠涉重洋兵勇疲憊異常臣因檄令由滬
拔隊暫紮鎮江城外加意休養俾軍士元氣漸

復再會商會國藩相機調遣

李鴻章又奏言據署福建陸路提督郭松林咨
稱該提督於同治二年五月閒聞訃丁生父憂
三年三月閒聞訃接丁祖母劉氏承重憂皆因
蘇省軍務喫緊未得回籍守制現在軍務已鬆
閩疆亦已歲事懇請代顧

恩施准其開缺回籍終制所部松字等八營並請派

交蘇松鎮總兵楊鼎勳兼統等情該提督陳情
迫切出於至誠合無仰懇

天恩俯准開缺回籍終制俾遂孝思所遺福建陸路
提督員缺可否請

旨迅賜簡放以重職守至遇缺題奏提督楊鼎勳紀
律精嚴謀勇兼備與郭松林共事最久軍士均
所悅服以之兼統松字八營洵爲妥協當由
臣

檄飭遵照奏入

上命軍機大臣傳諭曾國藩李鴻章曰郭松林楊鼎勳等援閩之十六營崎嶇轉戰疲憊異常業經凱撤回蘇自應暫行休養郭松林謀勇夙優受恩深重自必以國事爲急現已降旨賞假四箇月回籍料理葬事居期卽著銷假以副委任所有松字營兵勇著暫交楊鼎勳兼統前赴鎮江駐紮聽候曾

國藩會商李鴻章相機調遣

上諭內閣曰丁憂署福建陸路提督郭松林帶兵素能得力在江浙等省屢著戰功著毋庸開缺賞假四箇月回籍一俟假滿卽前赴江蘇軍營聽候調遣

初八日庚午署浙江提督鮑超奏言臣前患寒疾

已愈舊傷亦漸平復惟怔忡時止時作擬靜攝

數日心氣略定卽力疾登舟現定於六月二十八日起程赴鄂就商督臣速撥餉項量募新軍並統率舊部將叛勇髮逆次第殄除惟期各省協餉接濟如期庶勦辦不致棘手奏入

上命軍機大臣傳諭官文左宗棠鄭敦謹李瀚章鮑超孫長紱曰霆營叛勇現與花旗股匪合併竄擾興甯一帶大爲江粵邊境之患鮑超擬於六月二

十八日力疾起程赴鄂募勇往勦具見以國事爲
重惟兵在精不在多鮑超此次召募新勇尤當慎
重簡選嚴明約束總以三四營爲率不准再多尤
不准以無賴之人雜廁其間致貽後患所有該營
一切應用餉項卽著官文鄭敦謹李瀚章孫長綏
妥爲籌畫設法協濟俾利遄行凜逆大股尙踞鎮
平叛勇又於江粵交界出沒無常鮑超一軍應由

何處先行進兵並著與左宗棠等妥商辦理鮑超
到江西後一切進止機宜卽著歸左宗棠節制以
一事權

初十日 壬申 孫長紱奏言髮逆敗竄龍川後叛勇

亦至龍川之龍池地方在吉祥墟與逆衆搜括
糧食分派不均互相鬪殺是以旣合復分髮逆
竄往老龍街有圖犯惠州之意叛勇於六月初

二日由興甯之羅浮司竄入江省長甯縣留車
墟等處初三日周寬世親率隊伍堵勦該匪聞
風奔逸仍由原路遁往平遠縣中坑周寬世追
至粵界而還該叛勇進退失據遂赴大柘向粵
軍乞降繞經總兵方耀收受查點降衆連沿途
附從者共計七千餘人飭令前赴嘉應州石灰
港聽候處置其濂逆一股竄撲嘉應州被粵軍

擊敗回踞鎮平添造木柵望臺意在伺隙而動
查叛衆已赴粵軍投誠可免勾結之患前股髮
逆竄往老龍街距江省邊境稍遠惟濂逆汪海
洋一股仍踞鎮平逼近會昌長甯臣已飭令席
寶田一軍於會昌邊隘擇要扼紮會同各軍力
防衝突並令提督婁雲慶等軍嚴防龍定南安
以備龍川股匪西竄已革總兵王開琳一軍催

令趕緊出紮會長協力守禦奏入

上命軍機大臣傳諭瑞麟左宗棠徐宗幹郭嵩燾孫長紱曰叛勇與髮逆在吉祥墟搜括糧食分派不均互相鬪殺既合復分叛勇竄長甯被勦遁往平遠進退失據遂向粵軍乞降經方耀收受計七千餘人現令前赴嘉應州聽候處置著瑞麟郭嵩燾督飭方耀妥爲區畫其有家可歸者酌量遣撤如

係無業游民遣散恐復爲賊須分營安插令與官兵相輔而行不可稍涉疏虞致貽後患汪逆仍踞鎮平添造木柵望臺意在伺隙而動著飭在事各軍設法攻剿務須四面兜圍勿令再有竄逸髮逆竄往老龍街有圖犯惠州之意此股現係何人勦辦卓興現在何處能否跟擊著該署督撫責令迅速勦辦左宗棠等當懔遵疊次諭旨飭令康國器

等會同粵軍實力攻勦將鎮平蹕逆悉數殄除勿
留遺孽鎮平逼近江西之會昌長甯系長綏已令
席寶田扼紮會長邊界婁雲慶等嚴防龍定南安
王開琳迅紮會長著卽督令席寶田等扼要駐守
遇賊卽擊毋稍大意

十六日戊寅瑞麟郭嵩燾奏言據藩司李福泰稟
稱來逆花旗一股近與濂逆離而爲二股伏龍

川長樂交界地方意圖乞撫仍懷疑懼已派員
馳赴龍川相機辦理仍飭副將鄭紹忠等嚴軍
以待毋稍疏虞濂逆汪海洋盤踞鎮平勾結霆
營叛卒爲輔翼分築三十餘壘百數十里內賊
卡相望增堞濬濠收穫稻穀謀積儲以自固官
軍屢次誘之不出攻之未下現在設法勦辦等
因竊思賊勢利在分不利在合兵勢利於台不

利於分兵分則力薄難支賊合則撣勦易盡此
賊羣踞鎮邑百數十里之地乘此時會集三省
兵力四面合圍或可望其勦滅現在江閩兩省
祇康國器一軍移紮稍近其餘防軍多在贑南
會昌信豐龍南武平等處或百餘里或數百里
桴鼓皆不相聞與其各守門戶有曠日持久之
勞何如共擣腹心奏埽穴搥渠之效合無仰懇

聖恩飭下閩浙兩省各令防軍進逼賊巢與粵軍會合環攻新安廣東提臣高連陞現駐武平與平

遠相距百餘里臣等已咨請督率所部移紮平

遠藉資聯絡亦可扼截該逆西竄之路臣等仍

一面咨商江閩督撫臣會合各軍設法進取以

赴事機奏入

上命軍機大臣傳諭瑞麟左宗棠徐宗幹郭嵩燾孫

長綏曰凍逆江海洋盤踞鎮平分築賊壘積糧自
固爲堅守之計瑞麟等以賊勢合則撓勦易盡兵
勢分則力薄難支所見甚是該逆自江閩遁入粵
東其勢本已窮蹙若不合力會剿迅圖撲滅鋌走
固屬可虞且此股一日不除則江閩防軍卽一日
不能遣撤老師糜餉東南軍務終無了局左宗棠
前僅派康國器一軍進紮粵境兵力究嫌單薄卽

著添派後路防軍剋日進發會同粵軍進規鎮平
孫長紱亦卽飭令席寶田等軍前赴粵境與閩粵
官軍三面圍逼使該逆無路可竄以期一鼓殲除
左宗棠徐宗幹孫長紱接奉此旨卽當迅速調派
督飭各軍同時並進不得存此疆彼界之見意存
觀望貽誤事機瑞麟郭嵩燾仍著督飭李福泰方
耀等軍併力進攻務將此股賊匪就地殄除毋任

再行他竄花旗賊匪與湊逆分股距伏龍川長樂
交界地方如果真心就撫亦須相機妥辦不可稍
涉大意致貽後患霆營叛勇前據孫長綏奏稱已
向粵軍乞降此次瑞麟摺內則稱汪海洋勾結霆
營叛卒爲輔翼等語究竟霆營叛勇是否就撫仍
著瑞麟郭嵩燾查明具奏

二十二日甲申左宗棠徐宗幹奏言康國器一軍

進駐嘉應所轉松源地方擬會合高連陞等軍
由巖前逆規鎮平汪海洋老巢謀報賊將取道
武平以覲江西康國器改由三溪口以進高連
陞遂率五營扼紮中赤飭魏光邴等四營與黃
少春所部扼紮巖前劉清亮所部扼紮下塲閩
五月二十日各出隊至分水坳見有賊數百築
卡踞守高連陞黃少春當飭各營分左右兩路

抄擊自率魏光邴等由中路進擊該逆見閩軍
驟至蒼黃遁走官軍乘勢追殺行至坳口因山
徑險仄不便窮追將賊卡踏毀收隊而還賊仍
回竄鎮平各營正擬進剿忽探汪逆分撲嘉應
州城石峯徑之保字營白渡之升字營均被賊
圍攻營官林保等僅以身免官軍退紮嘉應賊
氣遂蔓延白渡新鋪墟一帶州城岌岌二十一

日康國器改赴龍牙二十二日派隊由嵩山一路哨探正與賊遇小有斬擒二十三日康國器督飭各軍分路迎擊擒斬二百餘名該逆棄壘竄回鎮平立將白渡新鋪墟一帶賊壘賊卡悉數平毀汪逆詢知江西粵東邊界防兵甚多慮難竄越仍思由閩邊偷竄江西六月初三四五等日賊由鎮平逾分水坳初六日出撲巖前官

軍營盤賊衆約三萬餘分股撲豬股坳官軍營盤賊衆約二萬餘高連陞黃少春等軍分路迎擊陣斬無算賊衆見兩路皆敗無心戀戰亦卽卻退高連陞追至分水坳撤隊初七日賊伏踞不出初八日汪逆復糾僞佑王僞揚王僞東平王等各賊黨及由江楚在粵新附之叛卒仍踰分水坳而來人數尤多諜報各賊裏兩日糧以

隨僅留僞陪王譚富守鎮平城誓必破此關卡
取道武平汀州以竄江西高連陞黃少春登高
望之見汪逆出分水坳卽揚旗列布嶺口令各
賊分起排列或隱或見官軍知其將誘我窮追
逞彼抄截之計也偃旗息鼓佯若不知比賊偏
近遽令排礮轟之賊卽駭奔高連陞黃少春傳
令躡蹤追擊僅擒斬落後賊百數十名該逆敗

八分水劫卽竄回鎮平縣城先後斃悍賊一千
數百名生擒百餘名查鎮平險瘠異常賊難久
踞汪逆敗竄之餘猜狠日甚前殺侍逆之黨李
元茂等自是賊中益相猜貳賊目向附侍逆者
多不直之僞陪王譚富等陰遣其黨赴康國器
營輸誠其機頗有可乘惟此賊旣未能就廣東
境內殲滅終恐遂其竄越江西本謀現在高連

陞黃少春駐營巖前中赤劉德亮駐營武平下
壩均距鎮平數十里聲勢尙爲聯絡道員張恆
祥帶所部由上杭移紮高梧遊擊賴長帶所部
移紮永定互爲掎角而劉典一軍則仍駐汀州
濯田一帶相機應之臣等自當隨時調度以期
兼顧至力戰陣亡之副將湯復春等相應開列

懇

恩飭部分別讓卹奏入

上命軍機大臣傳諭瑞麟左宗棠徐宗幹郭嵩焘孫長紱曰汪逆盤踞鎮平分撲嘉應州經廉國器督軍援勦將白渡新鋪墟一帶賊壘賊卡平毀該逆復以江西粵東邊界防兵甚多圖由閩邊分竄江西遂分兩大股出撲巖前豬股坳官軍營壘連日高連陞等軍奮勇血戰該逆仍退回鎮平盤踞鎮

平地方險瘠該逆勢難久踞終必遂其竄越江西
之謀康國器一軍由嘉應州一路進剿本嫌單薄
此時賊旣擬由武平竄江高連陞黃少春駐紮巖
前中赤之師劉清亮駐紮武平下壩之師均距鎮
平僅數十里正可迎頭進擊就地殲勦以杜其紛
竄之計汪逆猜很日甚賊目多不附之其勢自將
內訌正可乘機就其輸誠者使之內應尤易得手

著左宗棠卽飭高連陞等得勝之師移營進逼鎮
平與康國器軍及粵省官軍兩路夾擊毋失事機
其武平上杭各路應防處所仍著該督厚集兵力
節節布置並著瑞麟郭嵩燾令李福泰督方耀等
軍併力進攻以成合圍之勢其江西之會昌長甯
等處孫長綏已飭席寶田等扼要嚴防著仍遵前
旨飭令越境與閩粵官軍三面圍逼以期一鼓殲

除其巖前豬股坳等處勦賊陣亡之副將湯復春
著交部照總兵例議卹通判龍朝翼著照同知例
從優議卹擬保副將黃春田擬保都司王朝先徐
正魁擬保守備袁金榜均著照擬保官階議卹千
總何亨全著照守備例議卹朱得福等均著交部
照例議卹

二十七日己丑孫長紱奏言叛勇行抵嘉應州仍

不就撫於六月初六日還屯平遠縣之中坑當
該叛勇乞降時正值凜逆汪海洋猛撲武平邊
界顯係凜逆嗾令詐降牽綏粵師以遂其專力
犯閩之計臣現囑江防各軍一意主勦庶免墮
其奸謀至前殷髮逆竄擾老龍街經粵軍擊敗
退回龍川縣巖下一帶盤踞凜逆仍踞鎮平並
於城外添築賊壘東北兩門均搭造浮橋叛勇

近亦移踞鎮平距城八里地面臣查鎮平東北
兩門係通武平及潮州屬境之路賊情詭譎安
知非意在竄犯江西故作欲趨閩潮之勢懈我
軍心臣現令席寶田駐軍澄心墟係會昌長甯
適中之所如賊犯會昌邊境卽令會合張岳齡
平江營聯絡閩師撓勦如賊犯長甯卽與周寬
世一軍合力迎擊王開琳所部已出繁安遠與

婁雲慶分防龍南定南後路各營互相策應力
堵龍川縣巖下股匪竄江之路劉典一軍尙駐
汀州以爲武平上杭兩路防師聲援並酌派數
營分紮江面以通江閩各軍聲勢奏入

上諭曰賊踞鎮平席寶田周寬世王開琳等軍遠防
不如近剿著仍遵前旨嚴飭前赴粵境與閩粵官
軍四面圍逼以期一鼓殲除克竟前功毋稍觀望